

ՈՒՐԱՐՏԱԿԱՆ ԽԱՂԵՆ ԵՎ ԱՐՈՒԲԱՆԵ ԱՍՏՎԱԾՈՒԹՅՈՒՆՆԵՐԻ ՄԱՍԻՆ

Ս. Գ. ՀՄԱՅԱԿՅԱՆ

Խալդեյն (որի անունը Մուծածիրում հնչել է Ալդե, իսկ ասորեստանյան արձանագրություններին հայտնի է Խալդիա ձևով)¹ ուրարտական դիցարանի գլխավոր աստվածությունն է։ Լինելով բուն ուրարտական երեկոթ, նա, ամենայն հավանականությամբ, սկզբում թագավորող տոհմի հովանավորողն է եղել, իսկ հետագայում, պետականության կազմավորմանը զուգահեռ, ստացել է համաուրարտական նշանակություն²։

Խալդեյի պաշտամունքը քաղաքական մեծ նշանակություն ուներ. Ուրարտուի տիրակալները, հաշվի առնելով հպատակների վրա այդ պաշտամունքի ունեցած ազդեցությունը, իրենց իշխանությունը հայտարարում էին Խալդեյի տրված. «Խալդեյն ինձ արքայություն տվեց» արտահայտությունը հայտնի է ուրարտական գրեթե բոլոր թագավորների արձանագրություններին³։ Խալդեյն ինքն էլ հաճախ ընկալվում էր որպես արքա (նա «արքա Խալդեյ» է անվանված սեպագիր կավե սալիկներից մեկում)⁴ և պատկերվում էր զահին նստած (նկ 1)։ Ուրարտական տիրակալները (մինչև մ. թ. ա. 714 թ.) իրենց իշխանությունը օրինականացնելու նպատակով թագադրվում էին Մուծածիրում (Արդինե). ուր դրվում էր Խալդեյի գլխավոր տաճարը։ Ուրարտական արքայի օժանդակ տեսարան է նկարագրված Սարգոն II-ի (մ. թ. ա. 721—705 թթ.) արձանագրություններից մեկում. «...և որդիներից նրան, ով պիտի ժառանգի զահը նրա, ոսկով, արծաթով և ամեն թանկարժեքով, պալատի հարստությամբ, Մուծածիր, Խալդեյի առջև են առաջնորդում, և տալիս է նա իր նվերները՝ պարարտ եզներ ու ոչխարներ անհաշիվ, նրա առջև զոհ են մատուցում, ամբողջ նրա քաղաքի համար խնջույք են կազմակերպում, Խալդեյի՝ նրա աստծու առջև թագադրում են նրան տիրակալության խույրով և տալիս են կրելու գալիսունը ուրարտական թագավորության, իսկ նրա մարդիկ բացակաելու են անունը նրա...»⁵։

Իրենց իշխանությունը պաշտամունքային առումով էլ ավելի ամրապնդելու նպատակով Ուրարտուի արքաները աստվածացվում էին, և այդ արքաների պաշտամունքը իրագործվում էր Խալդեյի տաճարում։ Այդ մասին է վկայում Ռուսա I-ի (մ. թ. ա. 735—713 թթ.) երկնզվյան արձանագրությունը, ուր պատմվում է, թե ինչպես Մուծածիրի արքա և Խալդեյի տաճարի ըըրմադեռ Ուրդանան զոհեր է մատուցել թե՛ աստվածների և թե՛ Ռուսայի առջև. «Ուրդանան աստվածների առջև, աստվածների տաճարում, իմ առջև զոհեր մատուցեց»⁶։ Սարգոն II-ի վկայությամբ Մուծածիրի տաճարում դրված է եղել Արդինե I-ի (մ. թ. ա. 786—764 թթ.) արձանը՝ «թագադրված աստղով՝ աստվածության խույրով [և] օրհնող աջ ձեռքով»⁷։

¹ Г. А. Меликишвили. Древневосточные материалы по истории народов Закавказья, I, Наир-Урарту. Тбилиси, 1954, с. 365, прим. 1. Հոգվածում օգտագործված ուրարտերեն բառերի հայերեն տառադարձությունը առաջարկված է Հ. Հ. Կարազյոզյանի կողմից, որին և հայտնում ենք մեր շնորհակալությունը։

² Գ. Ա. Ղափանցյան. Ուրարտուի պատմությունը. Երևան, 1940, էջ 16։

³ Г. А. Меликишвили. Урартские клинообразные надписи. М., 1960 (УКН), № 128, АЗ, стк. 17—19; № 155, G, стк. 2, № 276, стк. 25—26; № 156, АИ+АІ, стк. 26—29. «Հայ ժողովրդի պատմության քրեստոմատիա». Երևան, 1981 (այսուհետև՝ Քրեստոմատիա), էջ 80։

⁴ И. М. Дьяконов. Урартские письма и документы. М.—Л., 1963 (УПД), № 12, лиц. стор., стк. 4

⁵ И. М. Дьяконов. Ассирио-вавилонские источники по истории Урарту (АВИИУ), № 49(309). «Вестник древней истории» (ВДИ), 1951, №№ 2—4.

⁶ УКН, № 264, урарт. текст, стк. 11—12.

⁷ АВИИУ, № 49 (367)։ Այս մասին ավելի մանրամասն տե՛ս «Ուրարտական դիցարանի աստվածությունների մասին». «Պատմա-բանասիրական հանդես», 1975, № 1։

Ուշագրավ է, որ Ասորեստանի դեմ երկարամյա պայքարի ընթացքում ուրարտացիների համար ամենածանր կորուստը Մուծածիրի տաճարի կործանումն էր ու իսլախի «գերեզմարությունը»։ Այդ գիտակցում էր Ռուսա I-ի ախոյան Սարգոն I-ը, որը բացահայտ հաճույքով է պատմում այն մեծ վշտի մասին, որ ապրեց Ռուսա I-ը, Մուծածիրի անկման բոլոր առնելով⁸։

Խալդեի անունով են առաջնորդվում Ուրարտուի արքաները իրենց գործունեության բոլոր ոլորտներում, ինչի դա պատերազմ ու արհավիրք, թե խաղաղ շինարարություն։ Նրանց տարեգրությունները տարի առ տարի, գրեթե առանց բացառության, սկսվում են հետևյալ բառերով. «Խալդեն արշավեց...» և ավարտվում՝ «հանուն խալդեի այս մեծագործությունները մեկ տարում կատարեցի»⁹։ Հետևաբար խալդեն չար ուժ էր թշնամիների, և բարի՝ իր երկրպագուների համար, այսինքն՝ նա կարող է լինել պատճառ և՛ բարու, և՛ չարի, ընդունակ և՛ հիմնահատակ ավերելու, և՛ արարչագործելու։

Ուրարտական դիցարանը, ինչպես հայտնի է, խստիվ կարգավորված էր, այսինքն այն ժամանակ հստակ պատկերացվել է կրոնի մեծ նշանակությունը պետության ամրապնդման իմաստով¹⁰։ Ուրարտական կրոնական քաղաքականության մեջ ձգտում է նկատվում եթե ոչ առ միապաշտություն, ապա զոհե շատ կայուն գիծ՝ դիցարանում խալդեի պաշտամունքի գերակշռությունն ապահովելու ուղղությամբ¹¹։ Այս առումով ուշագրավ է, որ Կարմիր բլուրի սեպագիր նամակներում խոսակցին դիմելու ընդունված ձև է, «թող իրավամբ սիրելի լինի կյանքը [քո] աստծուն»¹² արտահայտությունը։ Այստեղ աստված ասելով անկասկած հասկացվել է խալդեն։ Թերևս Ուրարտուում չի եղել երկիր, ուր չլինեի խալդենի ձոնված քաղաք, տաճար կամ պաշտամունքային որևէ այլ կառույց. ուրարտական դիցարանի մյուս աստվածությունները համար տաճարների կառուցման մասին փաստերը չեն են։ Հետևաբար, բոլոր կրոնական արարողությունները արվում էին խալդեի տաճարներում¹³ և յուրաքանչյուր պաշտամունքային երթ կապվում էր և նրա անվան հետ¹⁴։ խալդեն հովանավորն էր նաև բազմաթիվ երևույթների, որոնք ունեին իրենց հատուկ աստվածությունները և ըստ էության նա ինքնուրույն կարող էր ներկայացնել ամբողջ դիցարանը։ Բացի դրանից, այլևայլ աստվածություններ միաձուլվում էին խալդեի մեջ, կարծես նրա պաշտամունքը ամբողջացնելու նպատակով¹⁵։

Լ. Ֆ. Լեման-Հաուպտը, Գ. Ա. Սելիբիշվիլին, Բ. Բ. Պիոտրովսկին հնարավոր են համար-

⁸ Եթե հավատարմու լինենք ասորական աղբյուրներին, ապա Ռուսա I-ը այդ պատճառով իրենասպառն է եղել. տե՛ս АВИИУ, № 46 (129); № 52; № 53։

⁹ УКН, № 127, I, стк. 17; № 155, А, стк. 28—29 и др.

¹⁰ «Ուրարտական դիցարանի աստվածությունների մասին». «Պատմա-բանասիրական հանդես», 1975, № 1, էջ 163։

¹¹ Հետաքրքիր է, որ Հին եգիպտոսի պատմությունից ևս հայտնի է կրոնական քաղաքականության նման դեպք. երբ XVIII դինաստիան (մ. թ. ա. 1580—1314) հասել էր իր հզորության գագաթնակետին, Ամենհոթեպ IV-ը (էքնաթոն), ձգտելով բացարձակ իշխանության, արգելեց բոլոր աստվածությունների պաշտամունքը, բացառությամբ Արեգակի աստված Աթոնի (տե՛ս В. И. Авдиев, А. А. Вигасин, М. А. Дандашев и др. История Древнего Востока. М., 1979, с. 59—61)։

¹² УПД, № 2, лиц. стор., стк. 5; № 3, лиц. стор., стк. 5; № 4, лиц. стор., стк. 5; № 7, лиц. стор., стк. 4։

¹³ Ավելի ուշ նույնպիսի քաղաքականությամբ էր առաջնորդվում և Բաբելոնի տիրակալ Նաբոնիդը (մ. թ. ա. 556—539 թթ.), որը ձգտում էր իր պետության բոլոր աստվածությունների համար ունենալ մեկ պաշտամունքային կենտրոն։ Այդ նպատակով երկրի բոլոր աստվածությունները բերվեցին Բաբելոն և դրվեցին Մարդուկի տաճարում (տե՛ս В. В. Струве. История Древнего Востока. М., 1941, էջ 352)։

¹⁴ Թերևս նման մի երթ է պատկերված Պետեր Կալմայերի հրատարակած գոտու մի բեկորի վրա (տե՛ս Р. Calmeyer. Ikonographie und Stil urartäischer Bildwerke. Urartu, ein wiederentdeckter Rivale Assyriens. Katalog der Ausstellung, München 1976 (այսուհետև՝ Urartu), նկ. 39)։

¹⁵ Տե՛ս «Ուրարտական իմարշա աստվածության մասին». «Աշխատություններ Հայաստանի պատմության պետական թանգարանի». Երևան, 1981, № 7, էջ 16—22։ Տե՛ս նաև «Ուրարտական Արծիբեդինե աստվածության մասին». «Հայաստանի մշակույթի և արվեստի պրոբլեմներին նվիրված չորրորդ գիտական կոնֆերանս» (գեկուցման թեզիսներ). Երևան 1979, էջ 71։ Այս երևույթը թերևս հիշեցնում է Զրադաշտի [Զարատուշտրա (մ. թ. ա. 630—553 թթ.)]

րել այն կարծիքը, թե խալդե եղել է երկնքի աստվածություն¹⁶, նրա անունը ստուգաբանելով խալդեերենից՝ բառով: Որոշ գիտնականներ կապ են տեսնում հայերեն կախաղ և խալդե անունների միջև¹⁷:

խալդե պատերազմի և հաղթանակի աստվածն էր, քանի որ ուրարտացիների պատկերացմամբ նա էր առաջնորդում իրենց բանակներն¹⁸ ու հաղթանակ պարգևում¹⁹: Նա նաև ընտանիքի, կյանքի, կենսասիրության աստվածությունն էր, որովհետև ամենից հաճախ նրանից էր խնդրվում «կյանք, ուրախություն, մեծություն»²⁰: Միևնույն ժամանակ նրան էր վերապահվում և սերնդի ոչնչացման իրավունքը, մի փառք, որ վկայված է Կելլաշիի արձանագրությունում: «...խալդե սերմը նրա երկրից թող վերցնի»²¹: Այս աստվածությունը, ինչպես ցույց են տվել ի. Մ. Լոսևայի ուսումնասիրությունները, նաև պտղաբերության ու բուսականության աստվածն էր²²: Նա արվեստների, արհեստների ու երկրագործության հովանավորն էր, բոլոր՝ և նրա հրամանով և նրա անունից էին հիմնվում քաղաքներ, տաճարներ, գրվում արձանագրություններ, փորվում ջրանցքներ, գցվում ալդիներ:

Բոլոր դիցարաններում չէ, որ զիխալոր աստվածությունը բացարձակ իշխանություն ունի. խեթա-խուրիական աշխարհում, օրինակ, մեկ անգամ չէ, որ վիճարկվել է Թեշուբի առաջնությունը, և երբեմն էան ընկալվում է որպես նրանից բարձր մի երևույթ: Այդպիսին չէ խալդեի: պաշտամունքը Ուրարտում. ինչպես նշվում է սեպագրերում՝ «խալդեի հզոր է, հզոր բոլոր աստվածներից»²³: խալդեին դիմելու ամենատարածված ձևը «տեր» արտահայտությունն է, որ բաղկացած է արձանագրություններում՝ «խալդեին՝ տիրոջը»²⁴ ձևով: Շատ են և նրան բնորոշող արտահայտությունները. ինչպես՝ «խալդեի ողորմածությունը»²⁵, «խալդեի զորությունը (ուժը)»²⁶, «խալդեի աստվածայնությունը»²⁷, «խալդեի մեծությունը»²⁸, «խալդեի հրամանը»²⁹ և այլն:

Նշանակալից է այս աստվածության պաշտամունքի ազդեցությունը ուրարտական արվեստի վրա: Նա հիմնական կերպար է որմնակարության, քանդակագործության մեջ և զրվագման արվեստում: Բ. Բ. Պիոտրովսկին, հիմք ունենալով Կարմիր բլուրի նյութերը, պարզել է, որ խալդեի պատկերվել է առյուծի վրա³⁰, Այժմ հայտնի են խալդեի բաղմաթիվ նման պատկեր-

կրոնական բարեփոխումները, երբ ցեղային աստվածությունները դարձան Ահուրամազդայի հատկանիշների միայն [տե՛ս Մ. Ա. Дандамаев. Иран при первых Ахеменидах (VI в. до н. э.). М., 1963, с. 234—235, прим. 3]:

¹⁶ C. F. Lehmann-Haupt, Armenien Einst und Jetzt. II, 2, Berlin und Leipzig, 1931, S. 935; УКН, с. 427. Б. Б. Пиотровский. Ванское царство. М., 1959, с. 224.

¹⁷ C. F. Lehmann-Haupt, *նշվ. աշխ.*, էջ 945:

¹⁸ УКН, № 21, стк. 15; № 28, стк. 3—4; № 127, I, стк. 20 и др.

¹⁹ УКН, № 21, стк. 5—6; № 22, стк. 5—6; № 127, I, стк. 5—6, 25 и др.

²⁰ УКН, № 93, № 94, № 95, № 276, лнц. стор., стк. 5—10.

²¹ УКН, № 19, ассир. текст, стк. 36.

²² И. М. Лосева. Некоторые урартские ювелирные изделия с изображением ритуальных сцен (к вопросу об иконографии бога Халди и богани Арубани).—«Древний мир» (сборник статей). М., 1962, с. 304.

²³ УКН, № 89, стк. 5.

²⁴ УКН, № 20, стк. 1—2; № 27, стк. 1; № 65, стк. 1—2; № 109, стк. 3 и др.

²⁵ УКН, № 27, стк. 17, 60.

²⁶ УКН, № 16, стк. 1; № 110, стк. 1—2; № 135, стк. 1—2 и др.

²⁷ УКН, № 27, стк. 12, 52.


²⁸ УКН, № 27, стк. 12, 52; № 28, стк. I; № 141, стк. 1 и др.

²⁹ УКН, № 97, стк. 5; № 127, II, стк. 32; № 136, стк. 1 и др.

³⁰ Б. Б. Пиотровский, *նշվ. աշխ.*, էջ 223: Մարգարիտ Թիմանյանը և Ուրարտու Զալլոր վիճարկում են այս հանգամանքը: Նրանց փաստարկումները, սակայն, բավարար չեն հրաժարվելու համար ընդունված տեսակետից (այս մասին տե՛ս Ս. Ա. Եսայան, Ս. Գ. Համայակյան. Ուրարտական զգեստը. «Պատմա-բանասիրական հանդես», 1980, № 3, էջ 208—209): Բացի առյուծից խալդեի նշանակներից էր և առծիվը: Առյուծը խորհրդանշում էր թերևս խալդեի տիրակալությունը երկրի վրա, իսկ արծիվը՝ երկնքում (այս մասին տե՛ս «Ուրարտական Արծիբեդիեն աստվածության մասին», էջ 71):

9 «Հանդես», № 2

ներ, ինչպես օրինակ՝ Կարմիր բլուրի հայտնի գոտու վրա դրվագված աստվածությունը³¹, Էրեբունի որմնակարը (նկ. 1)³², Արծկեի բարձրաբանդակը (նկ. 2)³³, Սերբարթեփեփց



նկ. 1

գտնված մի շարք թիթեղների վրա եղած պատկերները³⁴ (տե՛ս, օրինակ, նկ. 1)³⁵։ Ամենից հաճախ նա պատկերվում էր առյուծի վրա կանգնած կամ գահին բազմած, որին երբեմն մո-

³¹ Б. Б. Пиотровский, Եզվ. աշխ., նկ. 68:

³² Կ. Լ. Հովհաննիսյան. Էրեբունի որմնակարները. Երևան, 1973, աղ. 46:

³³ P. Calmeyer, Եզվ. աշխ., նկար 43:

³⁴ H.-J. Kellner. Bronzene Weihe- und Votivgaben, Urarty, նկ. 47—49:

առնում է այժի (ուլի) եղջուրներից բռնած մի կին³⁵ (Արուբանե դիցուհին)։ Այժիի մատուցման հանգամանքը կարող է որոշիչ նշանակություն ունենալ պատկերվածի ով լինելը պարզելու համար, քանի որ, ինչպես ցույց են տալիս ուրարտական արձանագրությունների տըվյալները, այժիի զոհաբերում էին միայն հալդե աստուհին³⁶։ հալդեի հաճախ պատկերվում էր նաև որպես թեկուր (տե՛ս, օրինակ, նկ. 24) և կամ աղեղնավոր մի աստվածություն³⁷։ Ու թերևս Մհերի դռան արձանագրության մեջ հիշատակված «հալդեի ղենքերը»³⁸ արտահայտությունը առնչվում է նաև նրա աղեղի հետ։ Ամենայն հավանականությամբ հալդեի տաճարներում դրվել են նրա արձանները։ այդ է վկայում Սարգոն II-ի հիշատակությունն այն մասին, թե ինչպես է ինքը հրամայել Մուծաթիից «տանել Ուրարտուի հուլս հալդեին»³⁹ և կյան տեղեկությունն այն մասին, որ հալդեի արձանը Կիլիքանիթա երկրից տարվել էր Ռուսաիլինի⁴⁰։

Յ. Վ. Քյունիգի կարծիքով հալդեի ընկալվել է որպես պատանի, հասուն տղամարդ և ծերունի⁴¹, որը փաստորեն նշանակում է, թե նա ունենալով երիտասարդանալու կարողություն, հավերժություն է խորհրդանշել, նմանվելով «մեռնող-հարույր» աստվածություններին։ Այս առումով հետաքրքիր է, որ հալդեի հաճախ պատկերվել է որպես անմորուս երիտասարդ⁴² և կամ հասուն, մորթրավոր այր⁴³ (նկ. 12)։ Թերևս Ուրարտում վերահիշյալ պաշտամունքի գոյության մասին են վկայում Սերբարթեիի դրվագված բրոնզե թիթեղներից հայտնի միևնույն աստվածության երկու կրկնվող պատկերները⁴⁴։ հալդեի պատկերվել է նաև անդամ⁴⁵ ու թերևս, ինչպես գտնում է Պ. Կայմայերը, Վանի բարձրաքանդակը, ուր քանդակված են միայն խոցված ախոյանները, հալդեին է ներկայացնում⁴⁶ (նկ. 13)։

Բնական է ենթադրել, որ ուրարտացիք, հարևան ժողովուրդների նման, ունեցել են իրենց դիցերգություններն ու աշխարհատեղծման սեփական տարբերակը, որից, սակայն, միայն պատահական են մեզ հասել⁴⁷։ Հայտնի է, որ արարչագործության և գլխավոր աստվածությունների մասին կար ընկալման երկու մակարդակ⁴⁸։ պարզեցված՝ երբ որոշ բարդ հասկացություններ լրացատրվում են պարզ օրինակներով։ արարիչը ընկալվում է որպես մարդակերպ լակ, հաճախ երկսեռ բնույթի և նա այս կամ այն կերպ ստեղծում է տիեզերքն ու աստվածներին (օրինակ հնում աստվածը եգիպտական դիցերգություններից մեկում արարում է դուրդի

35 Б. Б. Пиотровский, *նշվ. աշխ.*, նկ. 45; Н.-J. Kellner, *նշվ. աշխ.*, նկ. 47, 49, 52.

36 Տե՛ս И. М. Лосева, *նշվ. աշխ.*, էջ 306: «Ուրարտական աստվածությունների և նրանց պաշտամունքային կենտրոնների մասին». «Աշխատություններ ՀՊՊԹ», № 6, Երևան 1975, էջ 4:

37 Н.-J. Kellner, *նշվ. աշխ.*, նկ. 49.

38 УКН, № 27, стк. 7, 41. Բ. Բ. Պիոտրովսկու կարծիքով հալդեի ունեցել է գինվորի կերպարանը և նրա հետ առնչվել է նաև վահանի ու նիղակի պաշտամունքը (տե՛ս *նշվ. աշխ.*, էջ 224)։

39 АВВИУ, № 49 (309).

40 УПД, № 12, лнц. стор., стк. 4—5.

41 Այս մասին տե՛ս Մ. Ռիմշնայդերի մոտ՝ „Die urartäische Gottheiten. „Orientalia“ Roma, 1963, 32, 2, S. 153.

42 Տե՛ս օրինակ, Н.-J. Kellner, *նշվ. աշխ.*, նկ. 49, 54.

43 Գ. Լ. Հոֆհանսիսյան. *նշվ. աշխ.*, աղ. 46; R. D. Barnett. The hieroglyphic writings of Urartu. Anatolian Studies presented to Hans Gustav Güterbock on the occasion of his 65th birthday, Istanbul, 1974, նկ. XI.

44 Н.-J. Kellner, *նշվ. աշխ.*, նկ. 62.

45 P. Calmeyer, *նշվ. աշխ.*, էջ 49; M. Riemschneider, *նշվ. աշխ.*, էջ 148; Սակայն ճիշտ չեն այս հեղինակները, երբ պնդում են, թե հալդեի ընդհանրապես մարդակերպ չի ընկալվել (այս մասին տե՛ս Ս. Ա. Խոսայան, Ս. Գ. Համայակյան. *նշվ. աշխ.*, էջ 204)։

46 P. Calmeyer, *նշվ. աշխ.*, նկ. 45.

47 Տե՛ս УКН, № 128, А4, стк. 1—13.

48 Տե՛ս Б. Оля. Боги тропической Африки. М., 1976, с. 16.

անիվի օգնությամբ)⁴⁹։ Մյուս առումով, արարիչ աստվածությունն անընկալելի մի երևույթ է՝
 իսկ արարչագործությունը՝ անհասանելի խորհուրդ⁵⁰։
 Ամենայն հավանականությամբ, նման երկակի պատկերացում է եղել և հալդեի մասին։



Նկ. 2

⁴⁹ М. Э. М а т ъ е. Древнеегипетские мифы. М.—Л., 1956, с. 14, 19.

⁵⁰ Այս կերպ է ընկալվում աշխարհատեղումը, օրինակ, Ռիգվեդայի համապատասխան հիմներում (տե՛ս «Ригведа». М., 1972, «Гимн неизвестному богу», X, 121; «Гимн о сотворении мира», X, 122):

քանի որ նրա գլխավոր աստվածություն լինելը պիտի պայմանավորվեր իր արարչագործ էությունը, ինչպես Աշուրը («որն արարել է ամեն ինչ»)՝⁵¹ Ասորեստանի, Մարդուկը՝ Բաբելոնի և կամ Արամադը («զմեծն և զարին Արամադը, զարարին երկնի ու երկրի»)՝⁵² Հայերի համար)։ Նրա հալդե մարդակերպ էր ընկալվում, օժտվում էր մարդուն բնորոշ գծերով. նա թագավոր էր անսահմանափակ իշխանությամբ, հզոր պատերազմող, որը դեմ չէր սեղան նրստելու, քանի որ նրան զոհաբերվող գինին և զոհերը նաև այդ են մատնանշում. բացի դրանից, հալդեի Մուծածիրի տաճարում պահվում էին նրա մահճակալը, հագուստը և այլ պիտույքներ։ Մյուս առումով նա պատճառ էր անսկիզբ ու անվերջ, անդեմ ու անընկալելի։ Հավանաբար, այս երկրորդ ընկալման հալդեին են ցանկացել պատկերել վանի բարձրաքանդակի վրա։

Հալդեի պաշտամունքը առնչվում էր թերևս և Լուսնթագ (Յուպիտեր) [Մարդուկ]⁵³ մոլորակի հետ։ Ինչպես հայտնի է, Հին Աշխարհում Արեգակնային համակարգության յուրաքանչյուր մոլորակ, ինչպես և Արևն ու Լուսինը, առնչվում էին որոշակի աստվածության հետ։ Այս առումով րաքառություն չէր նաև Ուրարտուն, քանի որ հայտնի է Լուսնի (Շելարդե) [Սին] և Արեգակի (Շիվինե) [Շամաշ] պաշտամունքների գոյությունն այստեղ։ Շելարդեն ամենից հաճախ պատկերվում էր Լուսնի մահիկի ձևով⁵⁴ (հետաքրքիր է, որ Մուծածիրի տաճարում պահվում էին կիսալուսնի ձևով բանդակներ)՝⁵⁵։ Շիվինեի խորհրդանշելը թերևս արեգակի թեւավոր սկավառակն էր⁵⁶ ու թևավոր խաչը⁵⁷։

Ուրարտական արվեստում հալդեի պատկերը երկնքի պատկերման փորձերը, ինչպես Սևրարթիների դիցաբանական բովանդակությամբ պատկերներով զրված բրոնզե թիթեղների վրա է, ուր աղատ տարածությունը լցված է ուռուցիկ շրջանակներով, որոնք եղբրված են ճառագայթաձև, մեկ կամ երկու շար կազմող կարճ գծիկներով⁵⁸ (նկ. 1, նկ. 2)։ Հայկական լեոնաշխարհում Արեգակնային համակարգության երկրակենտրոն մոդելի ստեղծման փորձեր հայտնի են մ. թ. ա. X դարից⁵⁹։ Ուրարտական արվեստում հաճախ են հանդիպում պատկերներ՝ կազմված մեկ շրջանակից, որի շուրջը «պտտվում են» յոթ ողակներ⁶⁰ հիշեցնելով այն ժամանակ հայտնի Արեգակնային համակարգությունը (նկ. 1)։ Հետևաբար, պետք է ենթադրել, որ Ուրարտում գոյություն է ունեցել ոչ միայն Արեգակի ու Լուսնի, այլև մոլորակների պաշտամունք։ Եվ իսկապես, ուրարտական Սարդե (^DSa-arde), Մինուլարդե (^DSinuia-arde), Արդե (^DArde, հմտ. նաև Շելարդե՝ ^DSela-arde «Գիշերաստղ»⁶¹) դիցանունները կազմված են arde «աստղ»⁶² բառով։ Այսինքն այս աստվածություններն առնչվել են գիշերային լուսատուների պաշտամունքի հետ։ Բ. Բ. Պիոտրովսկու կարծիքով Սարդե դիցանունը խորհրդանշելից մեկը կարող էր լինել Արուսյակ (Վենեռա) մոլորակը⁶³։ Հետեւվաբար, Արդեն որպես Մինուլարդեից ավելի բարձրակարգ մի դիցուհի⁶⁴ նույնացել է Փայլածուրի (Մերկուրիոս) [Նաբու], իսկ Մինուլարդեն՝ Երեւակի (Սատուրնոս [Նինուրթա]⁶⁵ հետ։

51 АВИИУ, № 49 (112).

52 «Ագաթանգեղայ Պատմություն Հայոց». Թիֆլիս, 1914, էջ 68:

53 Միջակ փակագծերում տրված են լուսատուներին համապատասխանող բաբելական դիցանունները:

54 Б. Б. Пиотровский, նշվ. աշխ., էջ 226:

55 АВИИУ, № 51.

56 Б. Б. Пиотровский, նշվ. աշխ., էջ 223:

57 О. А. Ташуцек. The urartian belts in the Adana regional museum. А n kara, 1975, աղ. 27:

58 Н. - J. Kellner, նշվ. աշխ., նկ. 52—60:

59 Բ. Բ. Պիոտրովսկու, Հ. Մ. Նազարյան. Բրոնզի դարի գոտի-օրացույց. Էրևան, 1965, էջ 10, նկ. 2:

60 О. А. Ташуцек, նշվ. աշխ., նկ. 20; աղ. 5, 17, 56:

61 Г. А. Меликишвили, նշվ. աշխ., էջ 36:

62 Նույն տեղում:

63 Б. Б. Пиотровский, նշվ. աշխ., էջ 226:

64 Տե՛ս «Ուրարտական դիցարանի աստվածությունների մասին», էջ 162:

65 Նաբուն Բաբելոնում գրի և թվերի աստվածն էր, իսկ Նինուրթան՝ հաղթանակի, այսինքն հնարավոր է, որ Արդեն Ուրարտուի իմաստություն, իսկ Մինուլարդեն՝ հաղթանակի դիցուհին էր:

քանի որ այս երկու աստվածուհիների կապը խոսնթագի և Հրատի (Մարս) [Ներգալ] հետ բացատրվում է: Թերևս վերջիններին համապատասխան էին հալդեն ու Թեյշեբան: Այդ մասին է վկայում Արծկեի բարձրաքանդակը, ուր հալդեի և Թեյշեբայի գլխազարդերը ավարտվում են աստղով (նկ. 29): Հետևաբար, Թեյշեբան որպես ռազմի աստված պիտի նույնանար Հրատի (վերջինիս պաշտամունքի գոյության մասին է վկայում Թերևս այն, որ ուրարտական գոտիներ-րից մեկին դրվագված է հեծյալ՝ գլխավերևում աստղ⁶⁶, որը, հավանաբար, Հրատն է՝ պատե-րազմի կարմիր աստղը), իսկ հալդեն, որպես գլխավոր աստվածություն՝ խոսնթագի հետ:

հալդեի պաշտամունքը միայն Ուրարտուով չէր սահմանափակվում. այն տարածվում էր Ուրարտական պետության քաղաքական ու մշակութային ազդեցության ոլորտների ընդլայն-մանը ղուգահեռ: Մասնավորապես հայտնի են Ասորեստանում ապրող մարդկանց անուններ՝ կապված հալդեի հետ. ինչպես. հալդինասիր՝ «հալդե պահապան», հալդիբուսուր՝ «հալդե, պահպանիչ հորս», հալդիբենի՝ «հալդեն ստեղծեց», հալդիուսուր՝ «հալդե, պահպանիչ», հալդիեթիր՝ «հալդեն փրկեց», հալդիլաի՝ «հալդեն իմ աստվածն է», հալդիբմանի՝ «հալդե, ողորմյա ինձ» և այլն⁶⁷: Այս առումով հետաքրքիր է, որ Մուծածիրի հալդեի տաճարում արա-րողություններ է կատարել նաև Ասորեստանի արքան, ինչպես վկայում է Մուծածիրի թագավոր և հալդեի տաճարի բրմապետ Ուրդանայի նամակը. «...Այն մասին, ինչ դու գրել ես ինձ, «առանց ասորական թագավորի թուլլովության ոչ ոք թող չանի երկրպագություն», բայց երբ գալիս էր ասորական թագավորը, մի՞թե ես խանդարում էի նրան. ինչ անում էի առաջ, արեցի և այժմ...»⁶⁸:

հալդեի և Հին Աշխարհի այլ գլխավոր աստվածությունների պաշտամունքներն ունեն շատ ընդհանրություններ. որոշ իմաստով անակնկալ նույնություններ են դիտվում նաև հալդեի ու Յուպիտերի միջև. երկուսն էլ գլխավոր, պատերազմի, հաղթանակի, երկնքի, պտղաբերության և բնության բնական աստվածներ են ու խաղողագործության հովանավորները: Երկուսի պատվին էլ տարին երեք անգամ արարողություններ էին կատարվում, կապված խաղողի կամ դինու տոնի հետ: Եթե հստակ հայտնի չեն խաղողի հասունացման այն փուլերը, որոնցով որոշվում էր այդ տոների ժամանակը Ուրարտուում, ապա Յուպիտերի առումով այդ հայտնի է Հին Հռոմի պատ-մությունից. այսպես, օգոստոսի 19-ին Vinalia rustica տոնն էր, որը սրբազորվում էր խա-ղողահավաքի սկիզբը: Այդ օրը Յուպիտերի քուրմը կտրում էր առաջին ողկույզը և Յուպիտե-րին՝ զոհում մի հորթ: Հոկտեմբերի 11-ին՝ Meditrinalia տոնն էր, որը խորհրդանշում էր բեր-րահավաքի ավարտը: Այդ օրը փորձում էին խաղողի թարմ հյութը հին գինու հետ միասին: Ապրիլի 23-ը Vinalia priora տոնն էր, երբ բացում էին վերջին հավաքի դինին և այն զե-ղում ի պատիվ Յուպիտերի:

հալդեին ձուլված նույնպիսի արարողությունների գոյության մասին վկայություններ կան ուրարտական սեպագրերում, մասնավորապես Մհերի գրան արձանագրությունում. «...երբ ծա-ռերը ui. aldinu guduli, հալդե աստծուն (թող լինի զոհ՝ երեք ոչխար, երեք ոչխար բոլոր աստվածներին: Երբ խաղողի այգին tanuli զոհ՝ երեք ոչխար հալդե աստծուն, երեք ոչխար բոլոր աստվածներին: Երբ խաղողի այգին mesuni զոհ՝ երեք ոչխար հալդե աստծուն, երեք ոչխար բոլոր աստվածներին»⁶⁹: հալդեին զինով զոհաբերություններ կատարելու սովորույթի մասին է վկայում Սարգոն II-ի հայտարարությունն այն մասին, թե Մուծածիրից նա տարել է «...մեծ պղնձե կաթսա, որը Ուրարտուի արքաները հալդեին զոհեր մատուցելիս լցնում էին դինով»⁷⁰: Նկատի ունենալով հալդեի պաշտամունքի մեծ նշանակությունը Ուրարտուում, Գ. Ա. Ղափանցյանը բնութագրել է այն որպես «խաղամուկություն»⁷¹: Թերևս նույն հանգամանքը նը-

⁶⁶ О. А. Тасу́рек, *Изд. арх., арх.* 20:

⁶⁷ АВИИУ, № 80.

⁶⁸ АВИИУ, № 50 (2): է. Ա. Գրանտովսկու կարծիքով Ուրարտուի հարավային մարզե-րում հալդեի պաշտամունքը առնչվում էր և իրանական հավատալիքների հետ (տե՛ս Э. А. Грантовский. Ранняя история иранских племен Передней Азии. М., 1970, էջ 307):

⁶⁹ УКН, № 27, стр. 27—31, 86—94.

⁷⁰ АВИИУ, № 49 (367).

⁷¹ Գ. Ա. Ղափանցյան. *Изд. арх., էջ 114:*

կատի ունենալով է նաև, որ Երկար ժամանակ ընդունված էր Ուրարտուի բնակիչներին «խալդեա» անվանել, դա համարելով ուրարտացիների ինքնանունը⁷²:

Հայաստանում ուրարտական պետականության կործանումից հետո խալդեի պաշտամունքը չվերացավ: Չնայած հետուրարտական Հայաստանի մասին գրավոր աղբյուրների սակավությանը, մեզ հասած այդ ժամանակի հայերի հատուկենտ անունների թվում կա Հալդիտա (խալդեն մեծ է)⁷³ անձնանունը: Հալդիտան Դարեհ I-ի (մ. թ. ա. 521—486 թթ.) իշխանության դեմ ապստամբած Բարեդունի առաջնորդ, աղբյուրում հայ Արախայի հայրն էր⁷⁴:

Արուբանե⁷⁵ (Արուբանե⁷⁶, Արուբանե⁷⁷) Ուրարտուի գլխավոր աստվածուհին էր և խալդեի կինը⁷⁸: Նա միակ դիցուհին է, որի անունը հիշատակված է արձանագրություններում (բացառություն է, իհարկե, Մեբի դոան արձանագրությունը, ուր ի մի են բերված բոլոր ուրարտական աստվածությունները): Հետաքրքիր է, որ Արուբանեն վկայակոչված է առանց բացառության միայն այն արձանագրություններում, ուր խոսվում է կամ շինարարության (տաճարի, ամրոցի և այլն), կամ այգի գցելու մասին⁷⁹: Այս փաստը հիմք է տալիս ենթադրելու, որ Արուբանեն Լոբլ է պտղաբերության, ինչպես նաև արհեստներն ու արվեստները հովանավորող դիցուհի: Որ նա աստվածուհիների տիրուհին⁸⁰ լինելով հանդերձ (Մեբի դոան արձանագրությունում նա է գլխավորում Ուրարտուի դիցուհիների ցանկը) նաև պտղաբերության աստվածուհին էր վկայում է այն, որ Արուբանեի մոծածիրյան տարբերակը՝ Բագմաշթուն (Բադրարթուն), Սարդուն II-ի արձանագրություններից մեկում ընկալվել է որպես Իշթար⁸¹. ուրեմն այս երկու դիցուհիների պաշտամունքը համընկել է: Եվ եթե նկատի ունենանք, որ Իշթարը պտղաբերության (բեղմնավորության), սիրո և պատերազմի աստվածուհին էր (վերջին հատկանիշը ուսումնասիրողների կարծիքով ուշ երևույթ է, մ. թ. ա. VIII—VII դդ.)⁸², ապա թերևս Արուբանեն Լոբլ է Ուրարտուի պտղաբերության դիցուհին: Բագմաշթունը բացառվում է, բանի որ նրա անունը հիշատակված չէ ուղղակի բնույթի արձանագրություններում: Որպես պտղաբերության աստվածուհի է նա ներկայանում նաև ուրարտական պատկերաբանդակում⁸³, ուր հաճախ ներկայացվում էր որպես գահին նստած թագուհի՝ ձյուղ (կենաց ծառի պատկերման տարբերակներից մեկը Ուրարտում): Ծյուղի առկայությունն աստվածուհու ձևերին Ի. Մ. Լոսևան պատճառաբանում է Արուբանեի նաև բուսականության աստվածուհի լինելու հանգամանքով⁸⁴, որը ինքնին կապվում է պտղաբերություն հաս-

72 К. Ф. Лемап-Гаупт. Вступительная лекция по истории и культуре халдов.—«Труды Тбилисского Госунта», 1938, № 6, с. 246. Այս տեսակետը վիճարկում էր դոնա Ի. Ի. Մեշանինով (И. И. Мещанинов. Древневанский бог Халд-Халдиа.—«Восточные записки», I, II, 1927, с. 176—181). Այս մասին տե՛ս նաև Б. Б. Пиотровский, նշվ. աշխ., էջ 117—121:

73 И. М. Дьяконов. Предыстория армянского народа. М., 1968, с. 235, прим. 116.

74 Հ. Մանանդյան. Փննական տեսություն հայ ժողովրդի պատմության. հ Ա, Երևան, 1944, էջ 50—51: Գ. Մ. Նալբանդյան. Դարեհ Վշտասպի Բիսթունյան արձանագրությունը. Երևան, 1964, էջ 21:

75 УКН, № 65, стк. 34.

76 УКН, № 25, стк. 5, 10.

77 УКН, № 27, стк. 27. Այս դիցանունը Հ. Հ. Կարազոզյանը հայերեն տառադարձում է նաև Վարուբանե և Յարուբանե ձևերով (տե՛ս «Քրեստոմատիա», էջ 44, ծան. 2):

78 Г. А. Меликишвили. Наири-Урарту, с. 371.

79 УКН, № 25, № 65; Н. В. Арутюнян. Новые урартские надписи Кармир-блуга. Ереван, 1966, № 1.

80 Г. А. Меликишвили. Наири-Урарту, с. 371.

81 Э. А. Грантовский, նշվ. աշխ., էջ 301, 304:

82 Այս մասին տե՛ս Հ. Գ. Մելիքյան. Աղիաբենի պիտույությունը և Հայաստանը. Երևան, 1980, էջ 14:

83 Տե՛ս И. М. Лосева, նշվ. աշխ., էջ 307—310:

84 Նույն տեղում, էջ 308:

Աղացության հետ: Այս դիրքով է Արուբանեն ներկայացված Բոփրաբկալեի մեղալիոնի վրաՑ5 (նկ. 2₂): Թերևս նույն մեկնաբանությունն ունի նաև Վանում հայտնաբերված Արուբանենի արձանիկըՑ6 (նկ. 2₁): Այստեղ չեն պահպանվել բազկաթոռն ու ճյուղը, սակայն դիցուհու կեցվածքն ու հագուստը (երկար, մինչև կրունկներն իջնող զգեստ և գլխաշոր) համընկնում են մեղալիոնի պատկերի հետՑ7:

Թերևս որպես պտղաբերության դիցուհի և հալոհի կին, Արուբանեն ևս ընկալվել ու պատկերվել է ա՛մ մանկամարդ. և՛ հասուն տարիքում: Հաճախ նա պատկերվում էր հալոհի ընկերակցությամբ՝ ձեռքին դրող (նկ. 2₄) կամ այժի եղջյուրներից բռնած՝ հալոհի դիմաց կանգնածՑ8: Նման մի տեսարան է ներկայացված Սերբարթեփեից դտնված բրոնզե թիթեղներից մեկի վրա: Այստեղ հալոհն ունի նորաբուս մորուք, իսկ Արուբանեն՝ երիտասարդ կնոջ (աղջկա) տեսքով է և առանց գլխաշորիՑ9 (նկ. 2₄): Ի տարբերություն Ուրարտուի կանանց, աղջիկները համար գլխաշորը պարտադիր չէրՑ0: Թերևս այս թիթեղին Արուբանեն և հալոհն ներկայացված են որպես պատանիներ, ի տարբերություն այն զեպերի, երբ հալոհն պատկերվում էր թավ մորուքով (նկ. 1₂), իսկ Արուբանեն՝ հասուն կնոջ տեսքով, մինչև ուսերը կամ կրունկները հասնող գլխաշորովՑ1 (նկ. 2₁, 3): Նվ եթե Արուբանենի նախնական պաշտամունքում նման պատկերացում չի եղել (խոսքը հավերժություն խորհրդանշելու մասին է, որը սերտորեն առնչվում է պտղաբերության հասկացության հետ), ապա այն կարող էր ի հայտ գալ ավելի ուշ, հալոհի պաշտամունքի ազդեցությամբ. չխախտելու համար ցանկալի ներդաշնակությունը: Արուբանենի պաշտամունքային կենտրոնը Ուրարտուում եղել է հալոհի քաղաք՝ Արդինեն (Մոծաթիք): Այս դիցուհին Մոծաթիքում, ինչպես վկայում են ասուրական աղբյուրները, կրել

է այլ՝ Բագմաշթու կամ Բագբարթու [AN Ba-ag-mas (mas) (bar) (par)-tu (ti)-lum]⁹² անունը: Այս է վկայում դեպի Մոծաթիք Սարգոն II-ի կատարած արշավանքի մասին պատմող արձանագրությունը, որ հիշատակում են Մոծաթիքի հալոհի տաճարից տարված՝ «կնիքով ոսկյա մատանի»՝ հաստատելու համար որոշումները Բագմաշթուի, հալոհի կնոջ՝ կամ՝ «...աստվածային հարդարանքի տարբեր քարեր, գոհարներ»՝ հալոհի և Բագմաշթուի, նրա կնոջՑ3 կամ՝ «մուսասիրցի Ուրդանայից հալոհին»՝ նրա աստծուն, և Բագմաշթուին՝ նրա աստվածուհունՑ4 (վերջին փաստը թերևս վկայում է այն մասին, որ Մոծաթիքում դրված են եղել նաև հալոհի ու Բագմաշթուի արձանները և դրանք է հիշատակում Սարգոնը)Ց5:

Հետադոտողների մեծ մասի կարծիքով Բագմաշթու դիցանունը իրանական ծագում ունիՑ6. Գ. Ա. Մելիքիշվիլին, օրինակ, այն կապում է Բագմաղդա բառի հետՑ7: է. Ա. Գրանտովսկին գտնում է, որ Բագմաշթուն պաշտվել է որպես հալոհի իգական կրկնու-

95 Б. Б. Пиотровский, *нзл. աշխ.*, *նկ. 45*:

96 Նույն տեղում, *նկ. 46*: Այն մասին, որ այստեղ պատկերված է Արուբանեն տե՛ս նույնի Սարտսկայա бронзовая статуэтка Государственного музея Истории Армении.—«Советская археология», 1940, № 6, с. 91:

97 И. М. Лосева, *нзл. աշխ.*, էջ 308:

98 Н.-J. Kellner, *нзл. աշխ.*, *նկ. 49, 51, 54*: Б. Б. Пиотровский, Ванское царство, рнс. 45: Ի. Մ. Լոսևան այժի առկայությունը այստեղ ընկալում է որպես վկայություն հալոհի բուսական շախարհի աստվածություն լինելու մասին (նույն տեղում):

99 Н.-J. Kellner, *нзл. աշխ.*, *նկ. 54*:

90 Հայ աղջիկների տարազում ևս գլխաշորը պարտադիր չէր (տե՛ս, օրինակ, *ն. Լալաշան*. Վասպուրականի ազդագրությունը. «Ազգագրական հանդես», 1910, էջ 137—138:

91 Տե՛ս Н.-J. Kellner, *нзл. աշխ.*, *նկ. 53, 56*. Б. Б. Пиотровский, *нзл. աշխ.*, *նկ. 45, 46*:

92 Э. А. Грантовский, *нзл. աշխ.*, էջ 302:

93 АВИИУ, № 49 (367).

94 АВИИУ, № 49 (415).

95 Б. Б. Пиотровский, *нзл. աշխ.*, էջ 223:

96 Այս մասին եղած գրականության մանրամասն քննությունը տե՛ս Э. А. Грантовский, *нзл. աշխ.*, էջ 302—305:

97 Տե՛ս Г. А. Меликишвили. Нанри-Урарту, с. 372.

խլուն և նրան համարում է տեղական, մուծածիրյան աստվածություն՝ հիմնվելով Ի. Մ. Լոսե-
վայի այն դիտողության վրա, թե Սարգոն II-ի արձանագրությունում հալդեն և Բագմաշթուն
նկատվում են որպես Ուրդանայի աստվածություններ, այն դեպքում, երբ Ռուսայի աստված
նկատվում է միայն հալդեն⁹⁸, նա համամիտ է և Ի. Ա. Մելիքիշվիլու այն տեսակետի հետ, թե
իրանական ծագում ունեցող այս դիցանունը Մուծածիրում բնակվող իրանական տարրի ազ-
դեցությանը նույնացվել է Արուրանեի հետ՝ գրավելով նրա տեղը հալդեի կողքին⁹⁹։ Ի. Մ.
Դյակոնովը Բագմաշթու և Բագա-մագդա («աստված իմաստուն») համադրությունը սխալ է
հասարում, բնդունելով, սակայն, Արուրանե-Բագմաշթու նույնությունը¹⁰⁰։ Ա. Շ. Մնացական-
յանը Բագմաշթու դիցանունը ստուգաբանում է հայերեն մասու. մագդ («պինդ», «դիմացկուն»,
«ամուր», «հաստատուն», «կայուն») բառերով և համադրում է Արամագդ անվան հետ¹⁰¹։

Այս դիցանունը Բագմաշթու ձևով է կարդում և Ս. Գ. Պետրոսյանը, նրան վերագրելով, սա-
կայն, թրակա-իւլուզական ծագում և ստուգաբանում է փաստորեն bag «աստված» և mas-
tu (mastu) հունարեն μαστου («լանջ», «կուլմք», «ստինք», ապա նաև «կորավուն բար-
ձունք», «բլրակ», «բլուր») բառերով¹⁰²։ Իր այս դիտողությունը Ս. Գ. Պետրոսյանը հիմնավոր-
րում է Մուծածիրի տարածքում թրակա-իւլուզական ծագում ունեցող ցեղերի առկայության
հնարավորությամբ¹⁰³։

Գ. Ա. Ղափանցյանը այս դիցունու անունը կարդում է Բագարթու ձևով և իրանական ծա-
ղուն է վերագրում, բացատրելով bag «բաժ», «բաժանել», «բաժին» ու bag «կրել», «բերել»
բառերով և թարգմանում է՝ «բաժին կրող» [«долю (удел) носящая»]։ Իսկ թու-ն նա հա-
մարում է «սեմական իգականի վերջավորություն»՝ ավելացված ասորեստանցիների կողմից¹⁰⁴։
Այլևի՛ վաղ Գ. Ա. Ղափանցյանը կապ էր տեսնում Մհերի դոան արձանագրությունում հիշա-
տակված Բարծիա և Բագարթու դիցանունների միջև¹⁰⁵։ Սակայն հետագայում նա հրաժարվել
է իր այս տեսակետից, քանի որ գտնում էր, որ Բագարթուն Մհերի դոան արձանագրության
մեջ հիշատակված չէ¹⁰⁶։

Լ. Ն. Բիլազովը նույնպես այս դիցանունը կարդում է Բագարթու ձևով, ստուգաբանելով
այն bag «աստված» և bag «բերք» բառերով. «թու» մասնիկը նա համարում է աթաղերների
իգական սեռի վերջավորություն և Բագարթու անունը թարգմանում «պտղաբերության աստ-
վածուհի» ձևով¹⁰⁷։

⁹⁸ И. М. Лосева, *նշվ. աշխ.*, էջ 309։

⁹⁹ Г. А. Меликишвили, *նշվ. աշխ.*, էջ 372։ Э. А. Грантовский, *նշվ. աշխ.*, էջ 302։

¹⁰⁰ И. М. Дьяконов, *նշվ. աշխ.*, էջ 191, ծան. 3։

¹⁰¹ Ա. Կ. Մ. Մնացականյան. Մաշտոց անվան ստուգաբանությունը. ՀՍՍՀ ԳԱ «Իրարեր հաս. գիտ.», 1979, № 8, էջ 86—92։

¹⁰² Ս. Գ. Պետրոսյան. Հին Մարաստանի տարածքի երրորդ էթնիկական տարրի
նախն. «Պատմա-բանասիրական հանդես», 1979, № 4, էջ 52—53, ծան. 46։

¹⁰³ Նույն տեղում, էջ 52—53։ Եթե ճիշտ է Գ. Ա. Մելիքիշվիլու այն տեսակետը, թե Ար-
դիշթին I-ի տարեգրության մեջ հալդեի պաշտամունքի հետ առնչվող հասկացություններից
մեկը անվանված է astuzi «աստված», «կուլմք», որը նրա կարծիքով առնչվում է հայերեն

«աստված» բառի հետ (տե՛ս Գ. Ա. Меликишвили. К чтению одного места в ле-
тописи урартского царя Аргишти I.—«Переднеазиатский сборник», III (история и
филология стран Древнего Востока, М., 1979, с. 174), ապա Ս. Գ. Պետրոսյանի վերո-
հիշյալ տեսակետը լրացուցիչ հիմնավորում է ստանում, քանի որ հայերեն «աստված»
հասկացությանը վերադրվում է փուլուզական ծագում (տե՛ս Н. Я. Марр, Бог Σαβα-
ζιου у армян. «Известия Имп. академии наук», 1911, с. 759—774. Հ. Ա. Կ. Մ. Մնացական-
յան. Հայերեն արամական բառարան. հ. 2, Երևան, 1972, էջ 280։

¹⁰⁴ Г. А. Капанцян. Об урартском божестве Шебиту. ՀՍՍՀ ԳԱ «Տեղեկագիր»
(հաս. գիտ.), 1946, № 11—12, էջ 9։

¹⁰⁵ Գ. Ա. Ղափանցյան. Ուրարտուի պատմությունը, էջ 47։

¹⁰⁶ Г. А. Капанцян. Об урартском божестве Шебиту, с. 9.

¹⁰⁷ Л. Н. Биягов. К вопросу об интерпретации Халди и Арубани—Багбарту.
ՀՍՍՀ ԳԱ «Իրարեր հաս. գիտ.», 1974, № 11, էջ 100։ Այս հոդվածում Լ. Ն. Բիլազովը հիշատա-

Այսպիսով, Բագմաշթու (Բագբարթու) դիցանունը ստուգաբանվում է տարբեր կերպ. սակայն այս հարցին անդրադարձած մասնագետները համամիտ են, որ դիցուհին Մուծածիրում փոխարինում է Արուբանենին և պտղաբերության աստվածուհի է: Վերջինիս առկայությունը Մուծածիրում պայմանավորված էր հաղեհի պաշտամունքը ամբողջացնելու անհրաժեշտությամբ:

Ուշագրավ է, որ հաղեհի պաշտամունքային կենտրոնը՝ Մուծածիրը, գտնվում էր Մեծ ու Փոքր Զաբ գետերի միջև ընկած տարածքում (Ուրմիա լճից հարավ-արևմուտք, այժմյան Ռեվանդուզ քաղաքի շրջակայքում)¹⁰⁸։ Մեծ Զաբի միջին հոսանքում էր գտնվում Թեյշեբայի պաշտամունքային մեծ կենտրոն Կումեսուն (ըստ Մհերի զուան արձանագրության տվյալների)¹⁰⁹ կամ Կումե (ըստ ասորական աղբյուրների)¹¹⁰։ Քաղաքը, որը նաև խուռինների գլխավոր աստված Թեշուբի կարևոր պաշտամունքային կենտրոնն էր¹¹¹։

Հետաքրքիր է, որ Ադադ-Ներարի II-ի (մ. թ. ա. 911—891 թթ.) թողած վավերագրերում Կումեի աստվածությունն անվանված է ոչ թե Թեշուբ, այլ Ադադ. վերջինս պաշտամունքով համընկնում էր Թեշուբի հետ (բնության տարերքի աստված) և նրա ասորական համարժեքն էր¹¹²։

Մեծ ու Փոքր Զաբ գետերի միջև, Վանա լճից հարավ-արևելք (որը ըստ Գ. Ա. Մելիքիշվիլու ուրարտական ցեղային միության կազմավորման շրջանն էր)¹¹³, ասորական աղբյուրներում հիշատակվում է Իշթարի դիցուհու պաշտամունքային մեծ կենտրոն Արբա-իլու¹¹⁴ (անտիկ ժամանակների Արբելա քաղաքը)։ Բնականաբար, պիտի ենթադրել, որ «Արբելայի Իշթար» անվան տակ նկատի է առնված ուրարտական կամ խուռիական որևէ դիցուհի, որի պաշտամունքը նույնացել է Իշթարի հետ, մասնավորապես որ ասորական արձանագրություններում հստակ տարբերակվում են «Նինվեի Իշթար», «Արբելայի Իշթար», «Բաբելոնի Իշթար»¹¹⁵ հասկացությունները։ Հետևաբար, Արբելայի դիցուհին կարող էին լինել խուռիական հեթանոսական Թեյշեբայի (Թեշուբի) զուգակից աստվածուհին¹¹⁶, Սարդեն¹¹⁷ կամ Արուբանեն։ Թերևս «Արբելայի Իշթար» ասելով նկատի է առնվել Արուբանեն։ Այդ մասին է վկայում Արբելա քաղաքի անունը¹¹⁸։ Ուրբիլում՝ ըստ բաբելական և Արբա-իլու՝ ըստ ասորական արձանագրությունների¹¹⁹ փաստորեն նշանակում է «Ուրբ կամ Արբա աստծու քաղաք»։ Ուրարտական կամ Արու-

կուս է Բագբարթուի անվան՝ Յա. Հարմատայի առաջարկած բացատրությունը՝ «աստծու կին» (տե՛ս նույն տեղում)։

108 Գ. Ա. Меликишвили, նշվ. աշխ., էջ 18, 36։

109 УКН, № 27, стр. 14, 55.

110 Գ. Ա. Меликишвили, նշվ. աշխ., էջ 166։

111 И. М. Дьяконов. Г. А. Меликишвили, Древневосточные материалы по истории народов Закавказья, I, Наир-Урарту.—«ВДИ», 1956, № 2, с. 67, прим. 2.

112 Գ. Ա. Меликишвили, նշվ. աշխ., էջ 166։

113 Նույն տեղում, էջ 168։

114 Տե՛ս Հ. Գ. Մելիքյան. Ադիաբենի պետությունը և Հայաստանը, էջ 5, 6, 15 և այլուր։

115 АВВУ, № 67 (к); 72 (II, 95 и сл.). М. Streck. Assurbanipal und Letzten Assyrischen Könige, II. Texte. Leipzig, 1916, I; Annales, col. I, 15, 16; 42—43; Col. II, 128; Col. VII, 53—54; Der Cylynder, 11, 13, 23.

116 Գ. Ա. Меликишвили, նշվ. աշխ., էջ 171։ Вяч. В. Иванов. Луна, упавшая с неба. М., 1977, էջ 308։

117 Այս դիցուհուն Գ. Ա. Մելիքիշվիլին համադրում է Իշթարի հետ (տե՛ս նշվ. աշխ., էջ 374)։ Չնայած սրան, Սարդեն երկրորդական աստվածություն էր և չունեի պաշտամունքային այն մեծ նշանակությունը, որով աչքի էին ընկնում խուռն ու Արուբանեն։

118 Հ. Գ. Մելիքյանը գտնում է, որ «Ուրբիլում», «Արբա-իլու», կամ «Արբելա» անունը... կապ պետք է ունեցած լինի ինչ-որ աստծու անվան հետ, որովհետև այդ ժամանակներում կառուցված քաղաքների անունները, ինչպես օրինակ՝ Նինվե, Աշուր, Ուրը աստվածների անուններ են եղել» (նշվ. աշխ., էջ 7, ծան. 7)։

119 Նույն տեղում, էջ 6։ Ասորեստանցիները այս քաղաքի անունը բացատրում էին «չորս աստված» ձևով, հանգամանք, որը զուրկ է պատմական հիմքից (տե՛ս նույն տեղում)։

րանն զիջանունը Միշագետրում կարող էր հնչել Ուարթա (Ուրթ), Արթա ձևով, քան որ ուրարտերեն լեզվում երկու բաղաձայնների միջև հայտնի է ա-ի անկման և այլ դեպք, ինչպես ^DElipure¹²⁰, ^DElipre¹²¹, ու-ն այստեղ կարող է լինել ուրարտերենի ուղղականի հոլո-
 լական մասնիկ, ինչպես, օրինակ, ^DHaldine¹²², ^DHalde¹²³, Հետևաբար, «Արբելայի
 իշխար» և Արուրանն նույն զիջուններն են: «Արբելայի իշխար» պաշտամունքը, հայտնի
 լինելով շատ ավելի վաղ ժամանակներից, հարատևել է և անտիկ շրջանում, երբ այս, ինչպես
 և նման այլ զիջունների պաշտամունքները, կորցնելով իրենց ինքնուրույնությունը, նույնա-
 յան Անահիտի հետ¹²⁴:

ОБ УРАРТСКИХ БОЖЕСТВАХ ХАЛДЕ И АРУБАНЕ

С. Г. АМАЯКЯН

(Резюме)

Халде—главное божество урартского пантеона. Крупнейший религиозный центр Халде город Мусасир находился юго-восточнее Ванского озера, между реками Большой и Малый Заб. Эта территория считается местом образования первого союза урартских племен. Возможно, Халде первоначально был покровителем племени или рода, возглавлявшего этот союз. Позднее, в связи с образованием урартской государственности, культ Халде приобретает общеурартское значение. Сознвая большое влияние культа Халде на подданных Урартского государства, правители Урарту объявляли себя и свои династии божественными, а царскую власть полученной из рук Халде. Короновались они в Мусасирском храме Халде. В искусстве Урарту это божество—главный персонаж. Известны его изображения в облике царя, божества плодородия и войны. Желая воспроизвести вечно существующего Халде, его изображали то юношей, то старцем. Известна также попытка воспроизведения Халде безликим (Ванский барельеф). Здесь он, по-видимому, выступает в качестве создателя вселенной. Символами Халде могли быть лев, орел и планета Юпитер. По представлениям урартов, Халде был началом добра и зла, божеством неба, войны, плодородия, покровителем семьи, жизни, ремесел, искусств и виноградарства. Культ Халде, связанный с последним явлением, совпадает с культом римского Юпитера—покровителя виноградарства. В религии Урарту прослеживается определенная тенденция консолидации всех божеств в культе Халде.

Арубанс, главная богиня урартского пантеона, супруга Халде, была покровительницей плодородия, ремесел и искусств. В Мусасире эта богиня носила имя Багбар(маш)ту. Арубанс, по-видимому, фигурирует в ассирийских надписях под именем «Иштар Арбелы», так как город Арбела находился в районе, где с давнейших времен преобладало хурритское население и где (в междуречье Большого и Малого Заба) находились крупные религиозные центры главных урартских божеств Халде и Тейшебы—Мусасир и Кумену (Кумми). Кроме того, название Арбелы (Урбилум, Арба-илу) можно перевести как «(город) бога Ар(у)ба(не)».

Култ Халде и Арубане не исчез с падением урартской государственности и был известен в раннеармянскую и в античную эпохи.

¹²⁰ УКН, № 104, стк. 2, 14:

¹²¹ УКН, № 27, стк. 8, 43.

¹²² УКН, № 21, стк. 15. Անվան ուղղական-երկրորդ հոլովն է:

¹²³ УКН, № 39, стк. 4. Անվան ուղղական-առաջին հոլովն է:

¹²⁴ Հ. Գ. Մելիքյան, Եզգ. աշխ., էջ 68: «Култ Великой госпожи» в стране Шубрия» (Научная сессия, Гос. Музей Истории Армении, Музей основания Еревана: «Эрбуни». Тезисы докладов. Ереван, 1981, с. 5—6).